



Comuna de Patada Provìntzia de Tàtari

Ordinàntzia de su Sìndigu n.1 de su 04-01-21

Ogetu: Suspensione de s'atividade iscolàstica in presèntzia

Bidas sas comunicatziones trasmitidas ogni die dae s'ATS, dae sas cale s'ischit chi b'at unu pagu de persones, in edade de iscola, chi sunt positivas a su Covid-19, e chi custas podent diventare càusa de pedines e de àteras cundiduras;

Cunsiderada sa situatzione de emergèntzia e sos perìgulos chi sos casos de persones positivas in sa Comuna nostra, podent causare pro sa salute pùblica;

Bido•s sos provvedimenti de su ministeru e de sa regione in atu pro sas mesuras urgentes de cuntinimentu de sa cundidura dae su Covid-19 e pro sa gestione de s'emergèntzia de custa epidemia, e in particolare pro sas mesuras pro s'igiene de sos servìtzios pùblicos;

Bida sa direttiva n.1/2020 de su Dipartimentu de sa Funtzione Pùblica chi in su puntu 8 indicat sas mesuras de sighire pro sos ufìtzios pùblicos;

Verificadu chi, si imponet s'adotzione de ogni misura netzessària pro sa salute pùblica e de sa sanidade de sos ambientes iscolàsticos, asseguende giai dae como sa “sanificatzione” de totu sos ambientes de s'iscola, cun una particolare atenzione a sos tretos in ue si faghent sas atividades didàticas e educativas;

Pensadu siat netzessàriu de suspendere s'atividade didàtica in presèntzia pro alunnos e discentes, pro totu sas classes de s'asilu, de s'iscola elementare e de sas iscolas medias finas a su 09/01/21;

Bidu s'art. 18 de su D.L. n.76/2020, cunvertidu in lege n.120/2020 chi, abroghende s'art.3 comma 2 de su D.L. n.19/2020, at fatu bennere mancu sos limites de potere chi aiant de sas ordinàntzias sindacales in sos momentos importantes in su cuntrastu de sa difusione de custa epidemia.

Bidu su D.L. 33 de sa die 16 de su mese de Maju de su 2020 chi est istadu cunvertidu cun sas modificatziones de sa L. de su 14 de su mese de Triulas de su 2020;

Bidu s'art. 50, commas 5 e 7, de su Testu ùnicu de sas leges supra s'ordinamentu de sos Entes Locales, D.Lgs. de su 18 de su mese de Austu de su 2000, n.267.

Cunsiderada sa cumpetèntzia pròpia a sos sentidos de s'art. 50 de su D.Lgs. n.267/2000 pro sas motivatziones iscritas in custa deliberatzione e chi como nde sunt parte integrante

ÒRDINAT

1) sa sospensione de s'atividade iscolàstica in presèntzia pro alunnos e dischentes, pro totu sas classes de s'asilu, de s'iscola elementare e de sas iscolas medias finas a sa die 9 de su mese de Ghennarzu de su 2021;

2) de trasmitere custu provedimentu a su Dirigente Iscolàsticu de s'Istitutu Cumprensivu de Uddusò e a su responsàbile de s'asilu de Sant'anna;

DISPONET

Sa trasmissione a su Prefetu de Tàtari, a s'Istazione de sos Carabineris, a s'Ufitziu de sos Vigiles, a su Dirigente de s'Istitutu Cumprensivu, e de dare sa giusta e importante informatzione cun sa publicatzione in su Giassu Internet de sa Comuna e cun àteras formas de publitzidade.

Custu presente atu benit publicadu in su Cuadru Pretòriu “online” e in su giassu internet istituzionale de sa Comuna pro sas 15 dies chi s'ghint.

SU SÌNDIGU
Angelo Sini